

爾雅郭註補正

漢志爾雅三卷二十篇今篇惟十九志不著撰人名氏郭璞言興于中古隆于漢代鄭樵言出自箋註未行之先爾雅明則百家箋註可廢魏張揖乃謂周公作釋詁揚雄以為皆孔門游夏之儔所記以解釋六經然則此書為考摭之鴻寶久矣臣竭思搜紹積有寒暑欣逢

聖朝右文開設四庫琳瑯炳蔚有如列星爰於校勘之餘卒業是編按漢劉歆樊光李巡孫炎咸有註今則晉郭璞註存所謂究心十八載者也宋邢昺與杜鎬八人奉詔疏之為十卷又鄭樵註亦存顧漢註佚矣猶散見於陸氏釋文邢疏尚書毛詩三禮

春秋左氏公羊義疏太平御覽龍龕手鏡文選等書又有陸氏音義陸佃埤雅羅願爾雅翼并資覆証用是錄郭註之全辨其亥豕綴陸邢之說觀厥引伸復撫羣編兼增蟲見為爾雅郭註補正三卷卷分為三共九卷敬謹繕寫冒瀆

衮衷鑒定仰邀

睿誨不勝悚慄之至謹序

乾隆五十二年春二月二十五日 欽賜舉人充三分四庫書校對臣戴恭祿撰進

呈本

原序

夫爾雅者所以通詁訓之指歸叙詩人之興詠總絕代之離詞辯同實而殊號者也誠九流之津涉六藝之鈐鍵學覽者之潭奧摛翰者之華苑也若乃可以博物不惑多識於鳥獸草木之名者莫近於爾雅爾雅者蓋興於中古隆於漢氏豹鼠旣辨其業亦顯英儒瞻聞之士洪筆麗藻之客靡不欽玩耽味爲之義訓璞不揆禱昧少而習焉沈研鑽極二九載矣雖註者十餘家然猶未詳備竝多紛謬有所漏畧是以復綴集異聞會稗舊說考萬國之語采謠俗之志錯綜樊孫博關羣言剝其瑕礫舉其蕭稂事有隱滯援據徵之其所易了闕而不論

別爲音圖用袪未寤輒復擁篲清道企望塵躅者以將  
來君子爲亦有涉乎此也

爾雅郭註補正目

擬進

呈序

原序

卷上

釋詁第一

卷上一

釋言第二

卷上二

釋訓第三

卷上三

釋親第四

卷上三

卷中

釋宮第五

卷中一

釋器第六

卷中一

釋樂第七

卷中二

釋天第八

卷中二

釋地第九

卷中三

釋土第十

卷中三

釋山第十一

卷中三

釋水第十二

卷中三

卷下

釋草第十三

卷下一

釋木第十四

卷下一

釋蟲第十五

卷下二

釋魚第十六

卷下二

釋鳥第十七

卷下三

釋獸第十八

卷下三

釋畜第十九

卷下三

爾雅專註補正目終

爾雅郭註補正卷一

欽賜舉人三分四庫書校對臣戴學謙撰恭擬進

呈本

釋詁第一

爾雅卷上

初哉首基肇祖元胎俶落權輿始也

備天才反  
備尸叔反

**註**尚書曰三月哉生魄詩曰令終有俶又曰俶載南

畝又曰訪予落止又曰胡不承權輿胚胎未成亦物

之始也其餘皆義之常行者此所以釋古今之異言

通方俗之殊語**補正**邢疏初者說文云從衣從刀裁

衣之始也哉古文作才說文云才草木之初也以聲

近借為哉始之哉首頭也身之始也基說文云牆始

築也肇說文作肇始開也祖宗廟之始也元善之長也長卽始義胎人成形之始也俶動作之始也落木葉隕墜之始也權輿天地之始也此皆造字之本意也鄭樵爾雅註云凡此皆始也又以文義求他有因音借字不可以文義求者難專泥也

林烝天帝皇王后辟公侯君也

辟必亦反

註詩曰有壬有林又曰文王烝哉其餘義皆通見詩

書

以廊宏溥介純夏撫履墳嘏丕奕洪誕戎駿假京碩濯  
訂宇穹壬路淫甫景廢壯冢簡籥販啞將業蓆大也

火

吳反麗亡江反蝦古雅反籥  
陟孝反販方蒲反啞之日反

註詩曰我受命溥將又曰亂如此輒爲下國駿龐湯  
孫奏假王公伊濯訃謨定命有壬有林厥聲載路旣  
有淫威廢爲殘賊爾土宇敗章縑衣之帶兮廓落宇  
宙穹隆至極亦爲大也荀義未聞尸子曰此皆大有  
十餘名而同一實補正邢疏弘者舍容之大也周書  
洛誥云武王弘朕恭廓方言云張小使大謂之廓宏  
書曰若保宏父介方言云東齊海岱之間謂之介純  
魯頌閟宮云天錫公純嘏夏方言云自關而西秦晉  
之間凡物之壯大而愛偉之謂之夏龐者深之大也  
墳蝦者方言云墳地大也青幽之間凡土而高且大  
者謂之墳秦晉之間凡物壯大謂之嘏丕書云嘉乃

丕績奔者詩韓奔云奕奕梁山洪者書大誥云延洪  
惟我幼冲人誕者大雅生民云誕彌厥月戎者方言  
云宋魯陳衛之間謂之嘏或曰戎京碩濯訐者秦晉  
之間凡人大謂之奘燕之北鄙齊楚之郊或曰京齊  
宋之間曰碩荆吳揚甌之郊曰濯中齊西楚之間曰  
訐甫者詩齊風云無田甫田景者周頌潛云以介景  
福壯者秦晉之間凡人大謂之奘或謂之壯冢者舍  
人曰冢封之大也大雅云乃立冢上簡者周頌之降  
福簡簡筓者說文云草大也韓詩云筓彼甫田將者  
周頌云日就月將業者版之大也大雅云虛業維攸  
穹隆天之形也郭讀壯爲至故云至極是廊宇穹隆

亦爲大也尸子廣澤篇云天帝皇后辟公弘廊宏溥  
介純夏幘冢啞取皆大也臣鑿按方言訓此大亦有  
二意云凡物之大貌曰奔幘嘏戎物之壯大曰嘏夏  
裝壯京將說文解字云麗石大也奔大也嘏大遠也  
奕大也契馭大也義各有別又史記陳陟世家夥願  
亦夏之轉語耳

幘麗有也

**註**二者又爲有也詩曰遂幘大東補正臣鑿按今詩

作遂荒孟幘大也荒亦大也詩意奄有龜蒙遂廓大  
大東係有鳧繹遂廓大徐宅所以能至于海邦郭于  
此条下不當引此詩

迄臻極到赴來弔艘格戾懷摧詹至也

艘古居字

**註**齊楚之會郊曰懷宋曰屆詩曰先祖于摧又曰六日不詹詹摧皆楚語方言云**補正**邢疏大雅云以迄于今邶風云遄臻于衛極者窮盡之至也樂記云及夫禮樂之極乎天到者自遠而至也大雅云靡國不到赴者雜記云凡赴于君來者春秋經曰祭伯來言至魯也弔小雅云神之弔矣艘讀爲屆方言云懷詹摧戾艘至也懷摧詹戾楚語也艘宋語也臣鑿按釋文引孫云艘古屆字史記司馬相如傳糾蓼叫舛踳以艘路兮索隱曰艘音屆孫炎云艘古屆字蓋屆亦至也書曰無遠弗届戾大雅焉飛戾天祭義風戾以

食之懷小雅懷允不忘箋云至也至信不忘詹魯頌魯邦所詹傳云詹至也

如適之嫁徂逝往也

**註**方言云自家而出謂之嫁猶女出爲嫁**補正**邢疏如者自我而往也春秋公及大夫朝聘皆曰如之者論語云之一邦言又往一國也方言云逝秦晉語也徂齊語也適宋魯語也往凡語也臣鑿按徂亦作迨

說文云迨往也迨齊語適之也適宋魯語

賚貢錫畀予貺賜也

**註**皆賜予也**補正**邢疏賚者賜有功善人也湯誓曰予其大賚汝貢者下與上也左傳齊桓責楚云爾貢

包茅不入錫者嘉賜也畀付與也干旄云何以畀之  
予者授與也小雅云天子所予既惠賜也彤弓云中  
心既之

儀若祥淑鮮省臧嘉令類緜穀攻穀介徽善也緜勅  
淫反

**註**詩曰儀刑文王左傳曰禁禦不若詩曰永錫爾類

我車既攻介人維藩太姒嗣徽音省緜穀未詳其餘

義皆常語**補正**邢疏儀者形像之善若者惠順之善

詳者李巡曰福之善也泰誓襲于休祥淑者有德之

善曹風淑人君子鮮者清潔之善邶風籩簠不鮮臧

者功能之善齊風射則臧兮嘉者美之善也大雅無

不柔嘉令者卷阿令聞令望類者左傳勤施無私曰

類攻者堅緻之善穀者養生之善小雅式穀以爲介者大善也徽者美善也臣登按詩大雅帝省其山箋云善也禮大傳省于其君註云善于其君謂免于大難也

舒業順敘也

**註**皆謂次序補正邢疏舒者展舒徐緩有次也業者事有次敘也順者不逆有敘也

舒業順敘緒也

**註**四者又爲端緒補正邢疏互相訓也

怡懌悅欣衍喜愉豫愷康妣般樂也

衍苦旦反妣丁舍反般蒲反

**註**皆見詩補正邢疏怡和樂也小雅既夷既懌怡喜

善義同懌悅樂也商頌亦不夷懌悅心樂也小雅我心不悅欣笑喜之樂也大雅旨酒欣欣衍者飲食之樂也小雅嘉賓式燕以衍喜者說文云不言而悅也小雅中心喜之愉者安閒之樂也唐風他人是愉豫逸樂也小雅逸豫無期愷康樂也小雅豈樂飲酒康安樂也唐風無已太康妣樂之久也小雅和樂且湛衛風無與士耽鄭箋云耽非禮之樂般者遊樂也悅懌愉釋賓協服也

**註**皆謂喜而服從**補正**邢疏釋者去恨怨而服也賓者懷德而服也協者和合而服也

適遵率循由從口也

〔註〕白猶從也。〔補正〕邢疏自亦從也。轉互相訓也。

適遵率循也。

〔註〕三者又爲循行。

靖惟漠圖詢度咨諏究如慮謨猷肇基訪謀也。

〔註〕國語曰詢于八虞咨于二虢度于闕天謀于南宮。諏于蔡原訪于辛尹。通謂謀議耳。如肇所未詳餘皆。

見詩。〔補正〕邢疏靖安謀也。小雅靖共爾位惟思謀也。

漠舍人曰心之謀也。小雅聖人莫之圖。大雅云我圖爾居詢度咨諏者。小雅皇皇者華傳云訪問於善爲咨咨事爲諏咨事之難易爲謀咨禮之所宜爲度親戚之謀爲詢究者。小雅不舒究之慮計謀也。謨大謀。

也大雅訏謨定命猷者以道而謀也大雅厥猶翼翼  
肇者大雅肇敏戎公基者君子作事謀始也訪者謀  
政事也

典義法則刑範矩庸恒律戛職秩常也

戛苦入反

註庸戛職秩義見詩書餘皆謂常法耳

臣鑿

按周禮

疏引孫註云典禮之常也

柯憲刑範辟律矩則法也

註詩云伐柯伐柯其則不遠論語曰不踰矩

**補正**邢

疏此皆謂常法轉互相訓

辜辟戾臯也

註皆刑罪

**補正**

邢疏辜罪古今字也秦以臯似臯改

為罪取非人自投于罔

黃髮覲齒鮐背耆老壽也

覲本作為兒五兮反一音如字鮐天才反耆音苟

註黃髮髮落更生黃者覲齒齒墮更生細者鮐背背

皮如鮐魚耆猶耆也皆壽考之通稱補正邢疏舍人

曰黃髮老人髮白復黃也說文云覲老人兒齒也鮐

背舍人曰老人氣衰皮膚消瘠背若鮐魚耆覲也血

氣精華覲竭言色赤黑如狗矣孫炎曰耆面如凍梨

色如浮垢老人壽徵也臣鑿按詩疏引李巡註亦云

黃髮老人髮白復黃也與舍人註同郭註謂更生黃

者非是

允孚亶展誠誠亮詢信也

亶丁旦反誠甚對反

註方言云荆吳淮泗之間曰展燕岱東齊曰謔宋衛  
 曰詢亦皆見詩補正邢疏方言云允訛恂展諒穆信  
 也齊魯之間曰允燕岱東齊曰訛宋衛汝潁之間曰  
 恂荆吳淮泗之間曰展西甌毒屋黃石野之間曰穆  
 衆信曰諒周南召南衛之語也  
 展謔允慎亶誠也

註轉相訓也詩曰慎爾優游

謔浪笑傲戲謔也

註謂調戲也見詩

粵于爰曰也

註書曰上爰稼穡詩曰對越在天王于出征補正邢

疏皆語辭發端轉互相訓也

爰粵于也

**註**轉相訓**補正**鄭樵註云以曰通作粵故此言粵不

言曰也

爰粵于那都繇於也

繇音由又音遙於音烏

**註**左傳曰棄甲則那猶今人云那那也書曰臯陶曰

都繇辭於乎皆語之韻絕**補正**邢疏皆語之韻絕歎

辭也爰粵于三者又為於乎鄭樵註云繇卦光之辭

於即於乎歎聲也

做邵盍翁仇偶妃匹會合也

做古答反

**註**皆謂對合也**補正**邢疏做說文云合會也邵者和



合也。蓋眾合也。易豫卦九四云：勿疑朋盍簪。翁歛合也。左傳曰：怨偶曰仇。嘉耦曰妃。偶者相對，合也。匹配合也。會，集合也。臣蓋按：郃洽通。詩在郃之陽，亦作洽。疏訓：郃為和，合以詩洽比其鄰，可證也。

仇讎敵妃知儀匹也

**註**詩云：君子好仇。樂子之無知，實維我儀。國語亦云：丹朱馮身以儀之讎。由儔也。廣雅云：讎，輩也。**補正**邢疏：仇，孫炎云：相求之匹。詩疏引舍人註同。讎者，儔侶輩類之匹也。敵者，相當之匹也。妃，合耦之匹也。

妃合會對也

**註**皆相當對

妃姬也

**註**相媿偶也 **補正**詩疏引某註云詩云天立厥妃

紹后嗣續纂綏績武係繼也 綏汝誰反 係戶帝反

**註**詩曰下武維周綏見釋水餘皆常語 **補正**邢疏皆

聯繼不絕也鄭樵註云綏綴紉者績績麻也皆有繼

之義

氣溢溢蟄慎貉謚顛顛蜜寧靜也 謚時至反以口反 顛魚豈反顛五鬼反

**註**氣顛顛未聞其義餘皆見詩傳 **補正**臣鑿按古氣

字急從氣從火或從心釋文云氣本或作氣同許氣

反

隕碩溼下降墜標霑落也



〔註〕退亦遠也轉相訓

虧壞圯境毀也

〔註〕書曰方命圯族詩曰乘彼坭垣虧通語耳〔補正〕邢

疏虧者損毀祭義云不虧其體壞者人毀也音怪一

云自毀也圯岸毀也書序曰祖乙圯于耿境是毀垣

也

矢雉引延順薦劉繹尸旅陳也

〔註〕禮記曰尸陳也雉順劉皆未詳〔補正〕邢疏皆謂敷

陳也矢者書序云臯陶厥謨引者伸陳也延鋪陳也

薦饌陳也繹復陳也尸主陳也旅布陳也鄭燮註云

矢春秋經云公矢魚于棠尸郊特牲云尸陳也

尸職主也

註左傳曰殺老牛莫之敢尸詩曰維其尸之又曰職為亂階

尸案也

註謂案地補正鄭樵註云舊註謂案地非此則案案之案故亦從案而下文又申云

案寮官也

註官地為案同官為寮

績緒采業服宜貫公事也

註論語曰仍舊貫餘皆見詩書

永業引延融駿長也

業羊讓反

〔註〕宋衛荆吳之間曰融篆所未詳〔補正〕邢疏說文云長久遠也方言云施於眾長謂之永引者漢書律歷志云十丈爲引引者信也顏師古曰信讀曰伸言其長延者方言云延年長也凡施於年者謂之延臣鑿按小雅不駿其德大雅昭明有融毛傳皆云長也又釋文引說文云篆水長也

喬嵩崇高也

〔註〕皆高大貌左傳曰師叔楚之崇也

崇充也

〔註〕亦爲充盛〔補正〕臣鑿按春秋疏引舍人註云威大

充盛

犯奢果毅尅捷功肩堪勝也勝尸證反下同

〔註〕陵犯誇奢果毅皆得勝也左傳曰殺敵為果肩則

尅耳書曰西伯堪黎〔補正〕邢疏舍人曰肩強之勝也

孫炎曰戡勝之勝也陵犯誇奢殺敵為果致果為毅

尅殺捷獲有功肩尅堪任是皆得勝也

勝肩戡劉殺克也

〔註〕轉相訓耳公羊傳曰克之者何殺之也

劉獮斬刺殺也獮息淺反

〔註〕書曰咸劉厥敵秋獵曰獮應殺氣也公羊傳曰刺

之者何殺之也

疊疊蠱沒敦勗劓茂劭勗勉也蠱彌畢反勗彌克反

〔註〕詩曰疊疊文王不猶黽勉書曰茂哉茂哉方言云周鄭之間相勸勉爲勗釗孟未聞〔補正〕邢疏方言云釗薄勉也秦晉曰釗或曰薄故其鄙語曰薄努猶勉努也南楚之外曰薄努自關而東周鄭之間曰勗釗齊魯曰勗茲臣鑿按班固幽通賦云盍孟晉以迨羣辰倏忽其不再註孟晉勉進也

驚務昏瞽強也強其丈反

〔註〕馳驚事務皆自勉強書曰不昏作勞瞽不與死〔補正〕邢疏皆謂自勉強也孫炎曰昏夙夜之勉也

叩吾台子朕身甫余言我也叩玉剛反台羊而反下同

〔註〕叩猶媿也語之轉耳書曰非台小子古者貴賤皆

自稱朕禮記曰投政任功曰予一人畛於鬼神曰有  
某甫言見詩補正邢疏說文云女人稱我曰媿由其  
語轉故曰卬卬風人涉卬否

朕余躬身也

註今人亦自呼爲身補正邢疏舍人曰余謙卑之身  
也孫炎曰余舒遲之身也

台朕賚畀卜陽予也

註賚卜畀皆賜與也與猶予也因通其名耳魯詩云  
陽如之何今巴濮之人自呼阿陽補正鄭樵註云據  
予本予我之子又爲賜予之子樵疑此當言台朕陽  
予也謂我也賚畀卜予也謂與也以二字同文故誤

耳

肅延誘薦餞晉寅蓋進也

餞持鹽反

**註**禮記曰主人肅客詩曰亂是用餞王之蓋臣易曰

晉進也寅未詳**補正**邢疏皆謂進道

臣鑿

按唐僧行

均龍龕手鑑餞字下引爾雅註云甘之進也臣謂詩

盜言孔甘亂是用餞盜言則書之所謂遜言遜言小

人之甘言也詩所謂且言如簧如笙中之簧以說人

也

羞餞迪烝進也

**註**皆見詩禮**補正**邢疏謂進與也羞曲禮云聞子有

客使某羞餞進飲食之名也迪以道而進也烝周頌

云烝昇祖妣

詔亮左右相導也

**註**皆謂教導之**補正**邢疏太宗伯云詔相王之禮

大雅云涼彼武王周南云左右流之鄉飲酒云相者

一人亮涼音義同

詔相導左右助勸也勸力  
度反

**註**勸謂贊勉**補正**邢疏教導即贊勉也故又為勸說

文云勸助也不以力助以心助也

亮介尚右也

**註**紹介勸尚皆相佑助**補正**邢疏孫炎曰介者相助

之義也如人之左右手故以介為左右也

左右亮也

註反覆相訓以盡其義

緝熙烈顯昭皓頌光也

頌下  
迥反

註詩曰學有緝熙于光明又曰休有烈光

劫鞏堅篤擊虔膠固也

劫苦八反  
擊音牽

註劫虔皆見詩書易曰鞏用黃牛之革固志也擊然

亦牢固之意

疇孰誰也

註易曰疇離祉

**補正**邢疏皆謂語辭不為義也又猶

言誰人也

眡眡皇皇藐藐穆穆休休嘉珍禕懿鏤美也

眡于  
况反

註穆穆已上皆美盛之貌其餘常語補正邢疏少儀云祭祀之美濟濟皇皇鄭元云皇皇讀如歸往之往彼言皇皇則此眡眡也臣鑿按說文眡光美也

諧輯協和也

註書曰八音克諧左傳曰百姓輯睦

關關雍雍音聲和也

註皆鳥鳴相和補正鄭樵註云據二文一義者皆當在釋訓部恐誤在此

總變和也

註書曰變友柔克補正邢疏總古文協也

從申神加彌崇重也重直龍反

〔註〕隨從彌輔增崇皆所以爲重疊神所未詳〔補正〕臣

鑿按從因之而重也檀弓爾無從從申復重也易重

巽以申命書申命義叔加語之重也說文云語相增

加也彌相輔之重也

殼悉卒泯忽滅罄空畢罄斃拔殄盡也殼胡谷反罄木  
或作慙苦計反

〔註〕殼今直語耳忽然盡貌今江東呼厭極爲罄餘皆

見詩〔補正〕邢疏左傳曰臯陶庭堅不祀忽諸罄說文

云器中空也悉詳盡也卒終盡也泯滅盡也滅絕盡

也殲者舍人曰衆之盡也臣鑿按史記秦始皇本紀

堯舜飯土墮啜土餽雖監門之養不殼於此索隱言

監門下人飯猶不盡此又詩疏引李巡註泯沒之盡

舍人往殲衆之盡也

苞蕪茂豐也

〔註〕苞蕪繁蕪皆豐盛

犖斂屈收戢蒐良鳩搜聚也

犖音道哀  
蒲侯反

〔註〕禮記曰秋之言犖犖聚也春獵爲蒐蒐者以其聚人衆也詩曰屈此羣醜原隰哀矣左傳曰以鳩其民搜猶今言拘搜聚也

肅齊遒速亟屢數迅疾也

數色  
角反

〔註〕詩曰仲山甫徂齊〔補正〕邢疏召南肅肅宵征毛傳

云肅肅疾貌

寔駿肅亟遒速也

寔子  
感反

註詩曰不寔故也駿猶迅速亦疾也補正邢疏肅亟

逆轉相訓耳

壑阮阮膝徵隍漭虛也

阮苦衡反  
漭苦郎反

註壑谿壑也阮阮謂阮漭也隍城池無水者方言云

漭之言空也皆謂丘墟耳膝徵未詳補正邢疏小雅

酌彼康爵箋云康空也漭康音義同鄭樵註云阮有

二文無義其一為衍者耳徵疑為陔臣瑩按陔義亦

所未聞

黎庶多醜師旅眾也

註皆見詩

洋觀哀眾那多也那奴  
多反



其義也詩曰生我劬勞書曰智藏瘝在相戮辱亦可  
恥病也今江東呼病曰瘵東齊曰瘵禮記曰親瘵色  
容不盛戮逐未詳餘皆見詩補正邢疏孫炎曰瘵人  
疲不能行之病瘵馬疲不能進之病瘵頹馬罷不能  
升高之病乎黃馬更黃色之病然則瘵頹者病之狀  
乎黃者病之變色郭云失其義蓋指孫炎不能宏通  
故云舍人云瘋癘瘵瘵皆心憂憊之病也孫炎云瘵  
者良之病也瘵者滯之病也逐者衛風云碩人之軸  
箋云軸病也軸與逐蓋今古字臣鑿按龍龕手鑑引  
爾註瘵勞病也釋文引孫註瘵疫病

恙寫惺盱繇慘恤懼憂也惺音里盱幽  
于反繇音遙

註今人云無恙謂無憂也寫有憂者思散寫也詩曰  
悠悠我悵云何盱矣繇役以為憂愁也

倫勤邛救勤愉庸瘁勞也勤音謹邛巨凶反

註詩曰莫知我勤維王之邛哀我瘁人國語曰無功  
庸者倫理事務以相約救亦為勞勞苦者多惰愉今  
字或作踰同補正邢疏勤孫炎曰習事之勞也

勞來強事謂翦篲勤也強其丈反

註詩曰職勞不來自勉強者亦勤力者由事事故為  
勤也詩曰迨其謂之翦篲未詳

悠傷憂思也

註皆感思也

懷惟慮願念怒思也

**註**詩曰怒如調飢**補正**邢疏皆思念也方言云鬱悠

懷怒惟慮願念靖慎思也晉宋衛魯之間謂之鬱悠

惟凡思也慮謀思也願欲思也念常思也東齊海岱

之間曰靖秦晉或曰慎凡思之貌亦曰慎或曰怒舍

人曰怒恚而不得之思也臣鑿按詩疏引舍人註怒

志而不得之思也

祿祉履戩被禧禴祜福也

**註**詩曰福履綏之俾爾戩穀被祿爾康矣禴禧書傳

少見其義未詳臣鑿按禧經傳多通釐禴通祈說文

云求福也疏引孫註云被除之福

禮祀祠蒸嘗禴祭也

註書曰禮于六宗餘者皆以為四時祭名也臣鑿按

書疏引孫註云禮絜敬之祭也

儼恪祇翼謹恭欽寅燠敬也燠音罕

註儼然敬貌書曰夙夜惟寅詩曰我孔熯矣譚未詳

朝旦夙晨駿早也駿子峻反

註駿亦明也

頌埃替戾底止俛待也頌音須埃音仕替本亦作替底之視反

註書曰俛我后今河北人語亦然替戾底者皆止也

止亦相待也補正邢疏頌須埃俟音義同鄭樵註云

左傳云寡君頌矣

嗇幾裁殆危也嗇音

**註**幾猶殆也嗇裁未詳**補正**邢疏周書無以釗冒貢

于非幾小雅無小人殆鄭樵註云召旻云不裁我躬

臣鑿按龍龕爭鑑引爾雅註云嗇事之危也

躐汔也躐音對汔  
虛乞反

**註**謂相摩近**補正**邢疏說文云剗摩也郭讀躐為剗

孫炎云汔近也大雅汔可小康箋云汔幾也反覆相

訓故汔得為幾也昭十年左傳亦引此詩杜預云汔

期也然則期字雖別皆是近義言其近當如此史記

稱漢高祖欲廢太子周昌曰臣口不能言然臣期其

不可陛下雖欲廢太子臣期不奉詔言期者意亦與

此同

治肆古故也

**註**治未詳肆古見詩書**補正**邢疏肆之為故語更端辭也書曰肆台小子古之為故謂舊故也詩云續古之人鄭樵註云治疑為始

肆故今也

**註**肆既為故又為今今亦為故故亦為今此義相反而兼通者事例在下而皆見詩**補正**邢疏詩云肆不殄厥愠傳肆故今也即以肆之一字為故今因上起下之語郭氏云事例在下者謂在下文徂在存也  
傳宜祐篤擊仍毗塿笠腹厚也

註頻仍埤益毗輔皆重厚堅然厚貌餘皆見詩書補  
正邢疏大雅憚怒小雅單厚亶憚單音義同天子是  
毗福祿脰之毗毗脰音義同笏與篤同腹者小雅出  
入腹我月令水澤腹堅臣鑿按仍訓原義無他證笏  
卽篤字釋文於笏字下註云字又作篤同丁毒反上  
篤字疑衍

載謨食詐僞也

謨音慕

註載者言而不信謨者謀而不忠書曰朕不食言補  
正邢疏孫炎曰食言之僞也臣鑿按鄭樵謂郭氏恐  
是臆說臣按淮南子兵略訓云載以銀錫註謂箭以  
銀錫飾之卽載猶飾也又南唐書黨與傳云越人謨

信註謨信無信也閔人語音然則備辭無信豈非偽乎

話猷載行訛言也

註詩曰慎爾出話猷者道道亦言也周禮曰作盟詛

之載今江東通謂語為行世以妖言為訛補正邢疏

話者善言也孫炎曰善人之言也臣鑿按書疏引舍

人註話政之善言也

遘逢遇也

註謂相遘遇

遘逢遇遘也遘五

註轉復為相觸遘補正臣鑿按龍龕手鑑引爾雅註

云心不欲見而見曰選

遘逢遇選見也

註行而相值卽是見

顯昭觀釗覲見也

註顯昭明見也逸書曰釗我周王

監瞻臨淮類相視也

註皆謂察視也補正邢疏考工記云瑑圭璋八寸璧

琮八寸以類聘鄭註云類視也

鞠訥溢盈也

訥音凶

註詩曰降此鞠訥

孔魄哉延虛無之言間也

闕反

**註**孔穴延魄虛無皆有間隙餘未詳**補正**臣按臣

**瑩**族兄臣震曰郭註孔穴延魄虛無皆有間隙餘未

詳攷之說文哉言之間也言之間即辭助然則哉之

言三字乃言之間言為辭助見於詩易多矣

瘞幽隱匿蔽竄微也

**註**微謂逃藏也左傳曰其徒微之是也**補正**邢疏微

謂逃藏也匿者舍人曰藏之微也

訖微安懷安按普戾底廢尼定曷遏止也

**註**妥者坐也懷者至也按抑按也普廢皆止任也戾

底義見詩傳國語曰戾久將底孟子曰行或尼之今

以逆相止為遏微未詳**補正**邢疏大雅以按徂旅小

雅亦是戾矣

豫射厭也

射羊石反

註詩曰服之無斃豫未詳補正鄭樵註云豫怠也射

卽斃也

烈績業也

註謂功業也

績勲功也

註謂功勞也

功績質登平明考就成也

註功績皆有成詩曰質爾民人禮記曰年穀不登穀

梁傳曰平者成也事有分明亦成濟也補正鄭樵註

云成者謂其有成跡也

楛梗較頰庭道直也

楛音角

註楛梗較頰皆正直也詩曰既庭且碩頰道無所屈

補正鄭樵註云梗即鯁亮之鯁較所謂較然也頰不

屈也道循理也楛未聞臣鑿按楛覺同禮記緇衣引

詩有楛德行六雅本作覺詩小雅有覺其楹箋云直

也左傳襄二十一年夫子覺者也註較然正直又射

義棲皮曰鵠註鵠之言楛楛直也

密康靜也

註皆安靜也

豫寧綏康柔安也

註皆見詩

平均夷弟易也易以跋反

註皆謂易直

矢弛也

註弛放補正邢疏以弓釋弣曰弛禮雜記云一張一

弛

弛易也易音亦

註相延易補正鄭樵註云易猶慢易也

希寡鮮罕也鮮息淺反

註罕亦希也

鮮寡也

註謂少

酬酢侑報也

註此通謂相報答不主于飲酒

毗劉暴樂也

暴釋文本又作爆形角反樂本又作煉音洛

註謂樹木葉缺落蔭疏暴樂見詩補正邢疏舍人曰

毗劉暴樂之意也木枝葉稀疏不均為暴樂臣登按

詩疏引舍人註暴樂作爆爍此亦當在釋訓篇下莠

離同

覲髮莠離也

覲亡革反髮音蒙

註謂草木之叢茸翳蒼也莠離即彌離彌離猶蒙龍

蟲語貳疑也

註 蠱惑有貳心者皆疑也左傳曰天命不諂補正邢  
疏貳者心疑不一也臣瑩按左傳閔元軍閒攜貳註  
云離而相疑者則當因而閒之昭二十六年天道不  
諂不貳其命哀十七年天命不悞久矣註悞疑也悞  
諂通與諂諛字不同諂郭音緇他力反釋文云字或  
作悞鄭樵謂讒諂非

楨翰儀榦也

註 詩曰維周之翰儀表亦體榦補正邢疏舍人曰楨  
正也築牆所立兩木也所以當牆兩邊障土者也大  
雅云維周之楨

檟棊輔比備也

註書曰天威棐忱易曰比輔也備猶輔也

疆界邊衛圍垂也

註疆場境界邊旁營衛守圍皆在外垂也左傳曰聊以固吾圉也補正邢疏謂四垂也舍人曰圍拒邊垂也孫炎曰圍國之四垂也

昌敵彊應丁當也

彊巨良反 應於矜反

註書曰禹拜昌言彊者好與物相當值補正邢疏皆相當也昌者言當也敵者仇匹相當也左傳曰敵惠敵怨大雅下武云應侯頤德雲漢云寧丁我躬淳肩搖動蠢迪倣厲作也

註淳然興作貌蠢動作也公羊傳曰倣甚也穀梁傳

曰始厲樂矣肩見書迪未詳補正鄭樵註云肩勝作也迪開作也俶始作也

茲斯咨皆已此也些皆音

註皆已皆方俗異語補正邢疏咨與茲同皆已與此皆音相近故得為此也

嗟咨嗟也嗟古嗟字

註今河北人云嗟嘆音免冝之冝

閑狎串貫習也

註串厭串貫貫伏釋文作伏快註云音逝張揖雜字音曳云狂快過度今本作伏者誤

也今俗語皆然補正邢疏皆便習也左傳赦其不閑於教訓曲禮曰賢者狎而敬之大雅云串夷載路齊

風云射則貫兮

襲塵佇淹留久也

**註**塵垢佇企淹滯皆穆久也

**補正**

臣鑿

按書疏引孫

註云陳居之久久則生塵矣

逮及暨與也

**註**公羊傳曰會及暨皆與也逮亦及也**補正**邢疏皆

相親與也

隲假格陟躋登陞也

假音

**註**方言曰魯衛之間曰隲梁益曰格禮記曰天王登

遐公羊曰躋者何陞也

**補正**

臣鑿

按註引方言隲格

方言本作郵格邢昺謂隲郵格格音義同

揮盞歇涸竭也

盞音鹿

註月令曰無漉陂池國語曰水涸而成梁揮振去水

亦為竭歇通語補正邢疏盞即漉也歇即竭之通語

涸水竭也

拒拭刷清也

拒音震

註振訊技拭掃刷皆所以為潔清

鴻昏於顯問代也

問古鴻反

註鴻鴈知運代昏主代明明亦代昏顯即明也問錯

亦相代於義未詳補正邢疏儀禮鄉飲酒云乃間歌

魚麗鄭註間代也謂一歌則一吹是也又周頌皇以

間之鄭樵註云於更辭也臣鑿按書疏引孫註間廁

之代也

饁饗饋也

註國語曰其妻饁之補正邢疏饋者以食遺與也野

饋曰饁食人曰饗自家之野也

遷運徙也

註今江東通言遷徙

秉拱執也

註兩手相持為拱

厥熙興也

厥音歌

書曰庶績咸熙厥見周官補正邢疏笙師職云大喪

厥其樂器鄭註厥興也興謂之作

衛蹶假嘉也假戶嫁反

註詩本曰假樂嘉成王也餘未詳

廢稅赦舍也稅始銳反舍音捨

註詩召伯所稅舍放置補正邢疏公羊傳廢其無聲

者書告災肆赦鄭樵註云稅猶稅駕也

棲遲憇休苦叔音槩歔咽海拜反息許四反

註棲遲遊息也苦勞者宜止息憇見詩歔歔咽皆氣

息貌今東齊呼息為咽也補正臣鑿按棲遲憇休苦

皆止息歔歔咽皆氣息不當溷於一句之中

供峙共具也共音恭

註皆謂備具補正邢疏子路共之峙乃糗糧痔乃錢

鑄靜共爾位共供峙痔音義同

惓憐惠愛也

註惓韓鄭語今江東通呼為憐

娠蠢震難妯騷感訛蹶動也

註娠猶震也詩曰憂心且妯無感我悅兮或寢或訛

蠢難騷蹶皆搖動貌補正邢疏說文姪娠動也左傳

后緡方震商頌不難不竦大雅徐方驛騷文王蹶厥

生小雅云或寢或訛

覆察副審也

註覆按察視副長皆所為審諦補正邢疏月令命舟

牧覆舟五覆五反呂刑惟察惟法

契滅殄絕也

註今江東呼刻斷物為契斷補正邢疏左傳盡借邑人之車契其軸註云契刻也

郡臻仍迺侯乃也

註迺即乃餘未詳補正鄭樵註云臻重至也侯維也維亦乃也乃引辭也不絕之義也郡未詳臣瑩按乃

當作發語辭之乃郡或為伊之譌詩侯誰在矣侯服于周伊余來暨伊誰云從皆發語辭仍因仍亦發端辭也未審孰是

迪繇訓道也繇音由

註義皆見詩書補正邢疏小雅秩秩大猷猷繇音義

同書命汝嗣訓

僉咸胥皆也

註東齊曰胥見方言

育孟者艾伯長也

註育養亦為長正伯皆官長補正邢疏皆謂長上也

邶風既生既育箋云育謂長老也孟庶長也康誥孟

侯註孔安國云孟長也曲禮五十曰艾六十曰耆

艾歷也

註長者多更歷

歷種算數也種音姊數色具反

註歷歷數也今以十億為種論語云何足算也

歷傳也 傳符付反

**註**傳近**補正**邢疏左傳云庚辰傳於許

艾歷覘胥相也 覘亡革反相息羊反

**註**覘謂相視也公羊傳曰胥盟者何相盟也艾歷未

**詳補正**邢疏說文覘邪視也鄭樵註云艾即乂也察

乂治也歷編閱也胥共視也皆有相規之義

乂亂靖神弗溷治也

**註**論語曰予有亂臣十人溷書序作汨音同耳神未

詳餘見詩書**補正**邢疏舍人曰亂義之治也孫炎曰

亂治之理也大雅芾厥豐草芾弗音義同

頤艾育養也

〔註〕汝穎梁益之間曰艾方言云

沃渾隕墜也

沃始犬反

〔註〕沃渾皆水落貌〔補正〕

臣鑿

按渾釋文胡本反蓋與

滾同荀子富國篇財貨渾渾如泉原

際接契捷也

契所甲反捷才接反

〔註〕捷謂相接續也〔補正〕邢疏際者相會之捷也左傳

曰爾未際也小雅云無自療焉箋云療接也會子問

云接祭而已謂捷速而祭也契未詳

祛神溢慎也

祛音秘

〔註〕神未詳餘見詩書〔補正〕邢疏洛誥云夙夜祛祀舍

人曰溢行之慎周頌假以溢我

鬱陶絲喜也

**註**孟子曰鬱陶思君禮記曰人喜則斯陶陶斯詠詠斯猶猶卽絲也古今字耳**補正**邢疏皆謂歡悅鬱陶者心初悅而未暢之意也

馘穡獲也

馘古獲字

**註**今以獲賊耳爲馘獲禾爲穡竝見詩

阻艱難也

**註**皆險難

剡矜利也

矜力約反

**註**詩曰以我剡矜**補正**邢疏小雅以我覃耜周頌有

略其耜矜略音義同

允任王佞也

**註**書曰而難任人允信也佞人似信王猶任也**補正**

邢疏允信也孫炎曰似可任之佞也鄭樵註云允無

所逆也

俾拚抨使也拚北萌反  
抨普耕反

**註**皆謂使令見詩

俾拚抨使從也

**註**四者又為隨從

儻仍因也儻如  
羊反

**註**皆謂因緣**補正**邢疏費誓無敢寇攘鄭註因其亡

失曰攘攘穰音義同施博士讀曰襄君夷襄我二人

郭無明說義得兩通 臣鑿按釋文僕字下云樊孫如

羊反引論語其父攘羊釋之作攘註云因來而盜曰

攘又顏師古匡謬正俗云或問論語云直躬之父攘

羊註云攘盜也何以謂盜為攘更有何義荅曰按爾

雅云攘仍因也書云寇攘矯虔即其事也

董督正也

**註**皆謂御正**補正**邢疏虞書董之用威左傳謂督不

忘

享孝也

**註**享祀孝道**補正**邢疏小雅云享于祖考

珍享獻也

〔註〕珍物宜獻穀梁傳曰諸侯不享覲〔補正〕邢疏周禮廟中將幣之享鄭司農云三享之獻也

縱縮亂也

〔註〕縱放掣縮皆亂法也

探篡俘取也

〔註〕書曰俘厥寶玉篡者奪取也探者摸取也〔補正〕邢

疏李巡曰囚敵曰俘伐執之曰取臣鑿按說文云俘

軍所獲也蓋獲取人曰俘亦通為取義左傳諸侯不

相遺俘書序俘厥寶玉春秋莊六年齊人來歸衛俘

三傳皆作寶顏師古謂所取於衛之寶經傳相會無

乖義豈必俘即是人凡此皆竟作取也

徂在存也

註以徂為存猶以亂為治以曩為赫以故為今此皆  
詰訓義有反覆旁通美惡不嫌同名

在存省士察也

註書曰在璿璣玉衡士師官亦主聽察存則在

烈拊餘也

拊五  
割反

註晉衛之間曰櫟陳鄭之間曰烈補正邢疏謂遺餘

也臣鑿按書疏引李巡云拊槁木之餘也

迓迎也

註公羊傳曰跛者迓跛者

元良首也

註左傳曰狄人歸先軫之元良未聞

薦摯臻也

註薦進也摯至也故皆為臻臻至也

賡揚續也

註書曰乃賡載歌揚未詳補正鄭樵註云孝經揚名

於後世

祔祫祖也

祫俱毀反

註祔付也付新死者於祖廟祫毀廟主

卽尼也

釋文云本亦作昵如啓反

註卽猶今也尼者近也尸子曰悅尼而來遠補正邢

疏尼近言也卽今相近也

尼定也

**註**尼者止也止亦定**補正**邢疏尼詰為止止即定舍  
人曰尼者私之定也

邇幾睚近也

**註**睚親近也書疏引孫註同**補正**邢疏聘義曰日幾中而後

禮成小雅云無自睚焉

妥安坐也

**註**禮記曰妥而後傳命**補正**臣鑿按謂妥者安坐也

貉緇綸也

**註**綸者繩也謂牽縛緇貉之今俗語亦然

貉嘆安定也莫音

**註**皆靜定見詩**補正**邢疏大雅貉其德音傳云貉靜也箋云德正應和曰貉嘆者皇以文云求民之莫箋云求民之定謂所歸就也貉貊莫音義同斯干云乃安斯寢

伊維也

**註**發語辭

伊維侯也

**註**詩曰侯誰在矣互相訓**補正**邢疏伊余來暨維此文王文王

時寔是也

**註**公羊傳曰寔來者何是來也**補正**邢疏秦風云奉

時辰牡

卒猷假輟已也

**註**猷假未詳**補正**邢疏皆謂終已也

求酉在卒就終也酉音適

**註**詩曰嗣先公爾酉矣成就亦終也其餘未詳**補正**

邢疏下武云世德作求日月云畜我不卒

崩薨無祿卒徂落殪死也

**註**古者死亡尊卑同稱耳故尚書堯曰殂落舜曰陟

方乃死**補正**邢疏李巡曰徂落堯死之稱

爾雅郭註補正卷一終